

Ni Pangulong Henry B. Eyring

Unang Manuglaygay sa Unang Panguluhan



Ang Paglaum sa Wala'y Katapusan nga Paghigugma sa Pamilya

Sa tanan nga mga dulot nga ginhatac sang aton mapinalanggaon nga Amay nga Langitnon sa Iya mga kabataan, ang pinakadako amo ang kabuhin nga wala'y katapusan (tan-awa sa D&C 14:7). Ang ina nga dulot amo ang magpuyo sa presensya sang Dios nga Amay kag sang Iya Pinalangga nga Anak sa wala'y katapusan sa mga pamilya. Sa pinakamataas gid lamang sang mga ginharian sang Dios, ang selestiyal, nga ang mapinalanggaon nga mga kaangtanan sang pamilya magapadayon.

Tanan kita nagalaum sang kalipay sa pagkabuhin kaupod ang mapinalanggaon nga mga pamilya. Para sa iban sa aton, isa ini ka balatyagon nga wala naton naeksperiensyahan—isa ka balatyagon nga aton nahibaloan nga possible apang wala pa maagom. Mahimo nga aton na ini nakita sa mga kabuhin sang iban. Para sa iban sa aton, ang gugma sa pamilya nangin mas matuod-tuod kag malahalon sang ang kamatayon nagseparar sa aton gikan sa isa ka anak, isa ka iloy, isa ka amay, isa ka utod, ukon sa isa ka mapinalanggaon kag pinalangga nga lolo ukon lola.

Aton tanan nabatyagan ang paglaum nga sa pila ka adlaw aton liwat mabatyagan ang mainit nga pagpalangga sinang miyembro sang pamilya nga palangga naton kaayo kag karon gusto gid naton nga mahakos sa liwat.

Ang aton Amay nga Langitnon nakahibalo sang aton mga tagipusuon. Ang iya tinutuyo amo nga hatagan kita sing kalipay (tan-awa sa 2 Nefi 2:25). Kag gani ginhatac Niya ang dulot sang Iya Anak agud nga mangin posible ang kalipayan nga dala sang mga kaangtanan sang pamilya nga nagapadayon sa wala'y katapusan. Tungod ginbugto sang Manluluwas ang mga higot sang kamatayon, maban-haw kita. Tungod Iya ginbayaran ang aton mga sala, sarang kita, paagi sa aton pagtuo kag paghinulsol, mangin naga-kabagay sa selestiyal nga kaharian, kon sa diin ang mga pamilya nahugpong sa paghigugma sa wala'y katapusan.

Ginpadala sang Manluluwas si Propetang Elias sa kay Joseph Smith agud ipanumbalik ang mga yabi sang priesthood (tan-awa sa D&C 110). Sa amo nga mga yabi nag-abot ang gahum sa paghugpong, nga nagatanyag sang pinakadako nga dulot sang Dios para sa Iya mga anak—kabuhin nga wala'y katapusan sa mga pamilya nga nahugpong sa wala'y katapusan.

Isa ini ka tanyag nga mahimo makuhang tagsa ka anak sang Dios nga magakari sa sini nga kalibutan. Katlu-an sang Iya mga anak nga espiritu ang nagsikway sang Iya tanyag sa kalibutan sang mga espiritu. Bangud sa kaku-lang sang pagtuo kag hayag nga rebelyon, ginpili nila nga

indi matilawan ang kalipay sang dulot sang Amay nga Langitnon nga wala'y katapusan nga mga pamilya.

Para sa aton nga nakapasar sa importante nga pagtilaw sa kabuhi antes sa kalibutan kag nangin angayan nga magbaton sang dulot sang mortal nga mga lawas, ang dako nga pagpili sa kabuhi nga wala'y katapusan yara sa gihapon sa aton kon aton luwag nga himuong. Kon bugayan kita nga masalapuan ang ginpanumbalik nga ebanghelyo, mahimo naton nga pilion ang paghimo kag pagtipig sang mga kasugtanan sa Dios nga magahanda sa aton para sa kabuhi nga wala'y katapusan. Sa aton pagpadayon sa sina nga katutum, ang Balaan nga Espiritu magapat-od sang aton paglaum kag pagpati nga yara kita sa dalan padulong sa kabuhi nga wala'y katapusan, sa pagkabuhi sa mga pamilya sa wala'y katapusan sa selestiyal nga ginharian.

Para sa iban, ang wala'y katapusan nga kalipay mahimo nga buron ukon bisan pa gani isa ka nagakadula nga paglaum. Ang mga ginikanan, mga kabataan, kag mga kauturan sarang nga nakahimo sang mga pagpili nga ayhan indi nagakabagay para sa kabuhi nga wala'y katapusan. Mahimo nga nagahunahuna ka man kon bala nangin nagakaangay ka na paagi sa Pagpasag-uli ni Jesucristo.

Isa sadto ka propeta sang Dios ang nagtanyag sa akon sang laygay nga nagahatag sa akon sing katawhay. Nagakabalaka ako nga ang mga pagpili sang iban sarang maghimo nga impossible para sa amon pamilya nga mangin magkaupod sa wala'y katapusan. Siling niya, "Nagapalibog ka parte sa sala nga problema. Kinahanglan mo lang nga magmangin bagay sa selestiyal nga ginharian, kag ang mga pagkahamtang sang pamilya mangin mas labing manami sangsa imo sarang mahunahuna."

Sa tanan sadtong ang personal nga inagihan ukon pag-asawahay kag kabataan—ukon ang pagka-wala sini—nagakulap sang ila mga paglaum, ginatanyag ko ang akon pagsaksi: Ang Amay nga Langitnon nakahibalo kag naga-palangga sa inyo bilang Iya anak nga espiritu. Samtang kaupod ninyo Sia kag ang Iya Pinalangga nga Anak antes sa sining kabuhi, ginpahamtang Nila sa inyo tagipusuon ang paglaum nga yara sa inyo para sa kabuhi nga wala'y katapusan. Paagi sa paghikot sang gahum sang Pagpasag-uli ni Jesucristo kag upod ang Balaan nga Espiritu nga nagagiya, inyo na karon mabatyagan kag mabatyagan sa magaabit nga kalibutan ang paghigugma sang pamilya nga luyag gid sang Amay kag sang Iya Pinalangga nga Anak nga inyo mabaton.

Nagasaki ko nga kon magkabuhi kamo nga nagakanagay sa selestiyal nga ginharian, ang manalagnaon nga promisa nga "ang mga pagkahamtang sang mga pamilya mangin mas labing manami sangsa imo sarang mahunahuna" mangin inyo.

PAGTUDLO GIKAN SA SINING MENSAHE

Binagbinaga ang pag-umpisa paagi sa pagsugid sa ilang inyo ginatudloan sang tion nga nangin mapinasalamaton kamo tungod sa paglaum para wala'y katapusan nga mga pamilya. Agdaha sila sa pagbinagbinag sang mga tinion sang ila nabatyagan ang pagpasalamat para sa wala'y katapusan nga mga pamilya. Pamangkuta sila kon luyag nila magpaambit. Mahimo ninyo dayun nga agdahan sila sa pagpanumdum sang mga pamaagi sa pagpauswag kag pagkabuhi sing mas labing nagakabagay sa selestiyal nga ginharian agud ang manalagnaon nga promisa sang "mga pagkahamtang sang pamilya...mas labing manami sangsa imo sarang mahunahuna" sarang nga mangin inyo.

LAMHARON

Pagpaambit sang Wala'y Katapusan nga Kalipayan

Ang isa sang pinakamanami parte sa ebanghelyo amo ang ihibalo sang plano sang kaluwsaan. May yara kita sing manami nga oportunidad nga makaupod ang aton pamilya sa wala'y katapusan. Ina nga ihibalo nagabulig sa aton nga makaangkon sing paglaum kon aton mabatyagan nga daw ginadaug kita sang kalibutan. Si President Eyring nagatudlo nga, "Ang aton mapinalanggaon nga Amay nga Langitnon nakahibalo sang aton mga tagipusuon." Ang iya tinutuyo amo nga hatagan kita sang kalipay (tan-awa sa 2 Nefi 2:25). Kag gani lya ginhatag ang dulot sang lya Anak agud mangin posible ang kalipay sa mga kaangtanan sang pamilya nga nagapadayon sa wala'y katapusan. . . . Inisa ka tanyag nga sarang mabaton sang tagsa ka anak sang Dios nga nagakari sa kalibutan."

Ina nga bugay para sa aton nga nagakabuhi sa subong kag sa ila nga nagtaliwan na—apang paagi lamang sa aton nga bulig. Ang aton mga katigulangan yara sa kalibutan sang mga espiritu subong, nagahulat

sa aton agud ihanda ang ila mga ngalan para sa ordinansa sa templo agud mahikot tal-os sa ila. Apang kon kaisa mahimo nga mangin mabudlay ang paghimo sini para sa ila. Mahimo nga masyado kita kasako, ukon mahimo nga nagapuyo kita sing tuman kalayo sa templo agud magkadto sing masami.

Sa maayong palad, may iban pa nga mga paagi nga sarang kita makabulig sa aton mga katigulangan, pareho sang paghimo sang mga buluhaton sa family history, indexing, ukon pagbantay sang mga bata para sa aton mga ginikanan samtang nagkadto sila sa templo. Paagi sa pagbulig, nagaalagad kita sa Ginuo kag nagadala sang paglaum sang wala'y katapusan nga mga pamilya sa ila nga yara sa pihak nga bahin sang tabon.

MGA KABATAAN

Mga Pamilya Wala'y Katapusan

Tungod sa Pagpasag-uli ni Jesucristo kag sa pagpanumbalik sang mga yabi sang Priesthood, kita sarang

magkabuhi kaupod ang aton mga pamilya sa wala'y katapusan! Ano bala ang nagustuhan ninyo sa inyo pamilya? Sunda ini nga mga panulin sa paghimo sini nga kadena nga papel sa pagsaulog sang inyo pamilya.

1. Piloa ang isa ka panid sang papel sa tunga sing duha ka beses agud nga may yara ka sang isa ka malaba nga panid sang papel.
2. Magdrowing sang isa ka tawo nga may mga kamot nga nagalab-ot sa pinilo nga mga punta sang papel.
3. Guntinga ang tawo. Indi pagguntinga ang tinabuan sang mga kamot.
4. Bukara ang papel. Magsulat ukon magdrowing sang isa ka bagay nga inyo nanamian sa tagsa ka miyembro sang pamilya.
5. Tapika ang madamo nga mga kadena kon dako ang inyo pamilya.

© 2016 iya sang Intellectual Reserve, Inc. Tanan nga mga kinamatarong ginahuptan. Ginbalhag sa Pilipinas. Petsa sang pagtugot sa Ingles: 6/16. Petsa sang pagtugot sa paglubad: 6/16. Paglubad sang *First Presidency Message, August 2016*. Hiligaynon. 12868 861



Magkaupod sa Pag-atipan sang mga Pamilya

Tun-i sing mainampuon ining materyal kag magpangamuyo agud mahibaloan kon ano ang tpaambit. Paano ang paghangop sang “Ang Panimalay: Isa ka Proklamasyon sa Kalibutan” makapadugang sang inyo pagtuo sa Dios kag magabugay sa ila nga inyo ginabantayan paagi sa visiting teaching? Para sa dugang nga impormasyon, maglog-on sa reliefsony.org.

Ang “bana kag asawa may sagrado nga resposibilidad sa paghugma kag pag-atipan sa isa kag isa kag sa ila mga kabataan.”¹ “Ang puluy-an amo ang laboratoryo sang Dios sang gugma kag pag-alagad,” siling ni Pangulong Russell M. Nelson, Pangulo sang Korum sang Napulo’g Duha ka mga Apostoles.

“Luyag sang aton Amay nga Langitnon nga ang mga bana kag mga asawa mangin tampad sa isa kag isa kag sa pagkabig kag pagtaratar sa ila mga kabataan bilang isa ka palanublion sa Ginuo.”²

Sa Libro ni Mormon, si Jacob nagsiling nga ang gugma nga may yara ang mga bana para sa ila mga asawa, ang gugma nga may yara ang mga asawa para sa ila mga bana kag ang gugma nga may yara sila nga duha para sa ila mga kabataan amo ang isa sa mga rason nga ang mga Lamanhon sa isa ka punto mas labi nga nangin matarong sangsa mga Nefinhon (tan-awa sa Jacob 3:7).

Isa sa pinakamaayo nga paagi sa pag-agda sang gugma kag paghilisanto sa aton mga puluy-an amo ang paghambal sing malulo sa mga miyembro sang aton pamilya. Ang paghambal sing malulo nagadala sang Balaan nga Espiritu. Si Sister

Linda K. Burton, ang kabilogan nga pangulo sang Relief Society, nagpangabay sa aton sa pagbinagbinag: “Ano kasunson kita hungod nga ‘nagahambal sing malulo nga mga pulong sa isa kag isa?’”³

Dugang nga Balaan nga mga Kasulatan

Mga Taga-Roma 12:10; Mosias 4:15; tan-awa sa Doctrine and Covenants 25:5

Istorya Gikan sa Matuod-tuod nga Kabuhî

Si Elder D. Todd Christofferson sang Korum sang Napulo’g Duha ka mga Apostoles nagpaambit sang isa ka inagihan sang bata pa sia nga nagpabatyag sa iya sang kaimportansya sang isa ka mapinalanggaon nga pamilya. Sang sia kag ang iya utod nga mga lalaki mga bata pa, ang ila iloy nag-agì sa isa ka dako nga operasyon sa kanser nga nangin masakit kaayo sa iya ang paggamit sang iya tuo nga butkon. Sa isa ka pamilya nga puro lalaki, pirme ang pagpamalantsa, apang samtang ang ila iloy nagapamalantsa, masami sia nga nagauntat kag magkadto sa kwarto kag maghibi tubtob nga magkanay-kanay ang sakit.

Pagtuo, Pamilya, Bulig

Sang matukiban sang amay ni Elder Christofferson ang nagakatabo, likom sia nga wala nagakaon sang panyaga sang halos isa ka tuig agud makabakal sang makinna para nga ang pagpamalantsa mangin mahapos. Tungod sang iya gugma sa iya asawa, nagpanita sia sing isa ka halimbawa sang pag-atipan sa sulod sang iya pamilya para sa iya anak nga mga lalaki. Sa sining mapinalanggaon nga aksyon, si Elder Christofferson nagsiling, “Wala ako nakahibalo sang pagsakripisyong buhat sang gugma sang akon amay para sa akon iloy sadto nga tion, apang karon nga akon na nahibaloan, ginasing ko sa akon kaugalingon, ‘Amo ina ang isa ka lalaki.’”⁴

MGA TANDA

1. “Ang Panimalay: Isa ka Proklamasyon sa Kalibutan,” *Liahona*, Nob. 2010, 129.
2. Russell M. Nelson, “Salvation and Exaltation,” *Liahona*, Mayo 2008, 8.
3. Linda K. Burton, “We’ll Ascend Together,” *Liahona*, Mayo 2015, 31.
4. D. Todd Christofferson, “Let Us Be Men,” *Liahona*, Nob. 2006, 46.

Binagbinaga Ini

Paano bala ang pagpalangga kag pag-atipan sa isa kag isa nagaagda sang Espiritu sa aton mga puluy-an?